



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

I. Indictio Jubilæi universalis ad divinum auxilium initio sui Pontificatus pro
salutari Catholicæ Ecclesiæ regimine implorandum.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

hebdomadæ saltem semel visitaverint, ibique per aliquod temporis spatium devotè, ut supra, Deum oraverint, ac quarta, & sexta Fera, ac Sabbatho alterius ex præfatis hebdomadis jejunaverint, & peccata sua confessi, Sanctissimum Eucharistiæ Sacramentum in Dominica die immediatè sequenti, vel alia die intra eandem hebdomadam reverenter sumplerint, ac pauperibus aliquam elemosynam, prout unicuique suggeret devotio, erogaverint, cæteris verò extra Urbem prædictam ubicumque degentibus, qui Ecclesias ab Ordinariis locorum, vel eorum Vicariis, seu Officialibus aut de eorum mandato, & ipsis deficientibus, per eos, qui ibi curam animarum exercent, postquam ad eorum notitiam hæ nostræ pervenerint, designandas, vel Ecclesiarum hujusmodi alteram spatio duarum similiter hebdomadarum à publicatione designationis per Ordinarios, vel eorum Vicarios, seu Officiales, vel alios, ut præfertur, faciendæ decurrendarum saltem visitaverint, ibique ut supra oraverint, & quarta, & sexta feria, ac Sabbatho alterius ex hebdomadis hujusmodi jejunaverint, pariterque peccata sua confessi, ac in die Dominica immediatè sequenti, vel alia die intra eandem hebdomadam sanctissima communione refecti fuerint, & pauperibus aliquam elemosynam, ut præmittitur, erogaverint, plenissimam omnium peccatorum suorum Indulgentiam, & remissionem sicut in anno Jubilei visitantibus certas Ecclesias intrâ, & extrâ Urbem prædictam concedi consuevit, tenore præsentium concedimus, & elargimur. Navigantes verò, & iter agentes, ut cum primum ad sua sese domicilia receperint, superscriptis præfatis, & visitata Ecclesia Cathedrali, vel majore, aut Parochiali loci eorum domicilii, eandem Indulgentiam consequi possint, & valeant: Regularibus autem personis utriusque sexus, etiam in claustris perpetuò degentibus, necnon aliis quibuscumque tam laicis, quam Ecclesiasticis secularibus, vel regularibus, etiam in carcere, aut captivitate existentibus, vel aliqua corporis infirmitate, seu alio quocumque impedimento detentis, qui supra expressa, vel eorum aliqua præstare nequiverint, ut illa Confessarius ex jam approbatis à locorum Ordinariis ante præsentium publicationem, seu approbandis eis in alia pietatis opera commutare, vel in aliud proximum tempus prorogare possit, eaque injungere quæ ipsi poenitentem efficere poterunt, pariter concedimus, & indulgemus.

§. 2. Insuper omnibus, & singulis Christi fidelibus utriusque sexus tam laicis, quam Ecclesiasticis secularibus, & regularibus cujusvis Ordinis, Congregationis, & instituti tam in Urbe præfata, quam extrâ eam ubicumque locorum, ut præfertur, degentibus licentiam concedimus, & facultatem, ut sibi ad hunc effectum eligere possint quemcumque Presbyterum confessarium tam sæcularem, quam cujusvis Ordinis, & Instituti regularem ex approbatis, ut præmittitur à locorum Ordinariis, qui eos ab omnibus excommunicationis, suspensionis, & aliis Ecclesiasticis sententiis, & censuris à jure, vel ab homine quavis causa latis, seu inflictis, necnon ab omnibus peccatis, excessibus, criminibus, & delictis, quantumvis gravibus, & enormibus, etiam locorum Ordinariis, sive Nobis, & Sedi Apostolicæ, etiam in litteris die Cœnæ Domini legis solitis contentis, & aliis per quascumque nostras, aut Romanorum Pontificum prædecessorum nostrorum constitutiones, quarum tenores præsentibus haberi volumus pro expressis, quomodocumque reservatis, in foro conscientie, & hac vice tantum absolvere, & liberare valeant; Et insuper vota quæcumque (religionis, & castitatis exceptis) in alia pia, & salutaria opera commutare, injuncta tamen eis, & eorum cuilibet

in supradictis omnibus casibus poenitentia fulgari, aliisque ejusdem Confessarii arbitrio injungendis.

§. 3. Quapropter tenore præsentium in virtute sanctæ obedientie districtè præcipimus atque mandamus omnibus, & quibuscumque venerabilibus Fratribus Patriarchis, Archiepiscopis, Episcopis, & aliis Ecclesiarum Prælatiis, ac quibuscumque Ordinariis locorum, ubicumque existen. eorumque Vicariis, & Officialibus, vel iis deficientibus, illis, qui curam animarum exercent, ut cum præsentium litterarum transumpta, aut exempla, etiam impressa, acceperint; illa statim absque ulla mora, retardatione, vel impedimento per suas Ecclesias, & Dioceses, Provincias, Civitates, Oppida, Terras, & loca publicent, & publicari faciant, Ecclesiamque, seu Ecclesias visitandas designent. Non intendimus autem per præsentem super aliqua irregularitate publica, vel occulta, nota, defectu, incapacitate, seu inhabilitate quoquomodo contracta dispensare, vel aliquam facultatem tribuere dispensandi, seu habitandi, & in pristinum statum restituendi, etiam in foro conscientie; neque etiam easdem præsentem iis qui à Nobis, & Apostolica Sede, vel ab aliquo Prælate, seu Juce Ecclesiastico excommunicati, suspensi, interdicti, seu alias in sententias, & censuras incidisse declarati, vel publicè denunciati fuerint, nisi intra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere.

§. 4. Non obstantibus Constitutionibus, & Ordinationibus Apostolicis, præsertim quibus facultas absolvendi in certis tunc expressis casibus ita Romano Pontifici pro tempore existentis reservatur, ut nec etiam similes, vel dissimiles indulgentiarum, & facultatum hujusmodi concessionibus, nisi de illis expressa mentio, aut specialis derogatio fiat, cuiquam suffragari queant, necnon regula nostra de non concedendis indulgentiis ad instar, ac quorumcumque Ordinum, & Congregationum, sive institutorum Regularium, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & litteris Apostolicis eidem Ordinibus, Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis, etiam de illis eorumque totis tenoribus, specifica, expressa, & individua, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret illorum tenores præsentibus pro sufficienter expressis, ac formam in eis traditam pro servata habentes hac vice specialiter, nominatim, & expressè ad effectum, præmissorum derogamus, cæterisque contrariis quibuscumque.

§. 5. Ut autem præsentem nostræ, quæ ad singula loca deferri non possunt, ad omnium notitiam facilius deveniant. Volumus ut earundem præsentium transumptis, vel exemplis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, ubicumque locorum & gentium eadem prorsus fides habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris, die 18. Julii 1667. Pontificatus Nostri Anno primo.

Anno à Nativitate Domini Nostri Jesu Christi 1667. Indictione quinta, die verò decima octava mensis Julii, Pontificatus autem Sanctiss. in Christo Patris, & D. N. D. Clementis Divina providentia Pape IX. Anno ejus primo, supradictum Breve affixum, & publicatum fuit ad valvas Basilicæ Lateranensis, Principis Aposto-

Publicum ubique publicari jubet.

Contrariis derogat.

Transumptorum fides.

Dat. P. A. i. die 18. Julii.

Publicatio in Urbe.

Libertas eligendi confessarium, ejusdemque facultas.

lorum & Sanctæ Mariæ Majoris de Urbe, & in acie Campi Floræ, ac aliis locis solitis, & consuetis Urbis per me Gregorium Staggtum Sanctiss. D. N. Papæ Cursorem.

Joannes Antonius Bertarelus Curs. Mag.

II. Confirmatio, & ampliatio indulti Sixti V. & Gregorii XV. de officio S. Jacobi Apostoli, & Patroni Hispaniarum sub ritu semiduplici recitando.

Edita A. D. 1667.

CLEMENS PAPA IX.

Ad perpetuam rei memoriam.

Proemium.

In suprema Militantis Ecclesiæ specula meritis licet inparibus ab æterno Pastore collocati ad ea propensis studiis intendimus, per quæ Sanctorum in Cælis regnantium præsertim gloriosissimorum Domini Nostri Jesu Christi Apostolorum, quorum prædicatione Christiana Religio simbrias suas à mari ad mare dilataverit veneratio in terris congrua suscipiat incrementa.

Motiva.

§. 1. Dudum si quidem felicitis record. Gregorio Papæ XV. prædecessori nostro pro parte tunc existentium Archiepiscopi, ac Capituli, & Canonicorum, necnon Cleri Ecclesiæ Compostellan. exposito, quod ipsi pro peculiari quem erga Sanctum Jacobum Apostolum, cujus venerandum corpus in eadem Compostellana Ecclesia quiescere, ac maxima peregrinorum ex omnibus orbis partibus illic quotidie confluentium frequentia visitari aserebatur gerebant devotionis affectu, officium de eodem Sancto Jacobo qualibet secunda feria recitare, ac commemorationem fieri posse summopere desiderabant.

§. 2. Idem Gregorius prædecessor eorum supplicationibus inclinatus, ut ex tunc de cætero perpetuis futuris temporibus de eodem Sancto Jacobo qualibet secunda feria non impedita festo novem lectionum, & quadragesimali, ac Dominici Adventus tempore, ac vigiliis etiam exceptis officium alias à recolendæ memoriæ Sixto Papa V. prædecessore pariter nostro sub die prima Februarii 1589. pro eadem Ecclesia approbatum liberè, & licitè in supradicta Ecclesia Compostellan. sub ritu semiduplici sumendo lectiones primi nocturni de scriptura occurrente recitari, necnon etiam de eodem Sancto Jacobo in tota Hispania, cujus Patronus existit commemoratio, quando juxta regulas Breviarii Romani aliæ sunt commemoraciones, fieri posset, & deberet auctoritate Apost. licentiam & facultatem concessit, & indulgit, & aliàs prout in ipsius Gregorii prædecessoris litteris desuper in simili forma Brevis 30. Octobris 1621. expeditis, quarum tenorem præsentibus pro plenè & sufficienter expresso, & inserto haberi volumus uberius continetur.

Confirmat prout in rub.

§. 3. Nunc autem nos piis precibus totius Hispaniarum Cleri nobis per dilectum filium Didacum de Colmenares Hurtado de Mendoza Archidiaconum de Campos, & Canonicum in Ecclesia Palentin. ac Agentem generalem Status Ecclesiastici Regnorum Hispaniarum in Alma Urbe nostra commorantem humiliter porrectis benignè anuentes, ipsorumque Cleri, & Didaci singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatæ existunt ad effectum præsentium dumtaxat consequendum harum serie absolventes, & absolutas fore censentes, de Venerabilium Fratrum nostrorum Sanctæ Romanæ Ecclesiæ Cardinalium, sacris Ritibus præpostorum consilio, indulgunt recitandi singulis diebus feriæ secundæ non impeditis festo duplici, vel semiduplici (Adventus,

& Quadragesimæ temporibus, ac Vigiliis etiam exceptis) officium memorati Sancti Jacobi Apostoli unici, & singularis Hispaniarum patroni sub Ritu semiduplici Clero Civitatis, & Diocesis Compostellan. à præfato Gregorio prædecessore concessum ut præfertur, ad universum Hispaniarum Clerum auctoritate Apostolica tenore præsentium extendimus, & ampliamus.

§. 4. Non obstantibus Constitutionibus, & ordinationibus Apostolicis, ac quatenus opus sit quantumvis Ecclesiarum etiam juramento, confirmatione Apostolica, vel quavis firmitate aliâ roboratis, statutis, & consuetudinibus, cæterisque contrariis quibuscumque.

§. 5. Volumus autem, ut earumdem præsentium transumptis seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides in judicio, & extra adhibeatur, quæ præsentibus ipsis adhiberetur si forent exhibitæ, vel ostensæ.

Datum Romæ apud Sanctam Mariam Majoris sub Annulo Piscatoris die 23. Julii 1667. Pontificatus nostri Anno primo.

Privilegia, gratiæ, & indulta concessi Conclavistis, qui interfuerunt Conclavi, in quo ad summi Apostolatus apicem fuit evehctus.

CLEMENS PAPA IX.

Urbis.

§. 1. **M**otu Proprio &c. Nos volentes dilectos filios Conclavistas, qui conclavi in quo, divina favente clementia, ad Summi Apostolatus apicem assumpti fuimus, Nobis, & Venerabilibus Fratribus nostris S. R. E. Cardinalibus uti familiares, & continui commensales inservientes interfuerunt, quique ea de causa labores, vigiliis, & incommoda plura subierunt, habita ratione obsequiorum hujusmodi favoribus, & gratiis, & privilegiis pro cuiusque meritis exornare.

§. 2. Ipsosque Conclavistas, quibus hodiè, ac aliis participantibus descriptis in Rolo, seu divisione subscripto, vel subscripta per dilectum Filium nostrum Petrum tituli Sancti Marci Presbyterum Cardinalem Otthobonum nuncupatum Prodatarium nostrum, summam decem millium scutorum auri in auro ex pretio tot officiorum vacabilium ad nos spectan. gratiosè donavimus, in veros, indubitatos, & non fictos familiares, & continuos commensales nostros, ac eos, qui ex illis Clerici existunt, seu militiæ clericali adscribi desiderant, quosque tres hujusmodi Cardinales singulatim in quolibet ordine antiquiores, gradu, nobilitate, & aliis meritis dignos tali dignitate judicaverint in nostros, & Sedis Apostolicæ notarios, sine tamen præjudicio dilectorum filiorum de numero participantium Notariorum, recipimus, & tam illos, quam alios Conclavistas singulos, qui singulatim ab eisdem tribus Cardinalibus digni tali honore reputati fuerint, Sacri Palatii, & Aulæ Lateranen. Comites, & Milites, & tam illos, quam omnes, & quoscumque alios Conclavistas indistinctè, qui nobiles non sunt, nobiles quique Urbis, vel alicujus alterius, ex Civitatibus temporalibus dominio eidem Romanæ Ecclesiæ mediatè, vel immediatè subjectis Cives esse voluerint, singulos in ea ipsa Civitate, quam singillatim quisque eorum elegerit, & ad quam ab eisdem tribus Cardinalibus se admitti petierit, veros Cives ad instar, & nulla prorsus differentia inter eos, & singulos alios veros, originarios, & antiquissimos etiam nobiles, & participantes Cives ipsius Urbis, vel Civitatis, itaut ipsum jus Civilitatis ad quoscumque illorum hæredes eodem modo

Contrariis derogat.

Transumptorum fides.

Dat. P. A. 1. die 25. Junii.

III.

Edita An. D. 1667.

Causæ hujus Constit.

Conclavistis decem millia scut. aur. & alia privilegia largiuntur.